



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LEKUCALA (P1)

LWETI 2021

TICONDZISO TEKUMAKA

EMAMAKI: 70

Leticondziso tekumaka tinemakhasi la-8.

SIGABA A: SIVISISO – 30 EMAMAKI**Ticondziso tekumaka sivisiso:**

- Bahlolwa abangajeziswa uma banemaphutsa esipelingi nelulwimi emibutweni lemidze ngobe injongongco kuvisisa. Akuvele kutsi liphutsa liboniwe.
- Nangabe umhlolwa asebentisa emagama aletinye tilwimi letingasiso Siswati akanganakwa lawo magama, kodwa nangabe imphendvulo ivakala ihambisana nembuto akangajeziswa. Nangabe kusetjentiswe ligama lalolunye lulwimi etheksthini kantsi liyafuneka emphendvulweni, loko kwemukelekile.
- Emibutweni levulekile bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Kufanele banike sizatfu nobe bachaze ngalokugcwele nobe besekele.
- Emibutweni lefuna LICINISO/LIPHUTSA nobe LICINISO/UMBONO emamaki akangehlukani emkhatsini, lokusho kutsi alikho limaki lelinikwa LICINISO/LIPHUTSA nobe LICINISO/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.
- Nangabe umbuto udzinga timphendvulo teligama linye kuphela bese bahlolwa baphendvula ngemisho legcwele kufanele kwemukelwe nangabe ligama lelifunekako lidvwetjelwe nobe ligcanyisiwe.
- Nangabe umbuto udzinga emaphuzu lamabili/lamatsatfu kodwa bahlolwa banike langetulu kwaloko, akumakwe lamabili/lamatsatfu ekucala.
- Inkhulumosigodzi (lulwimisigodzi) yemukelekile.
- Imibuto lapho kunikwe timphendvulo letinyenti kutsi bahlolwa bakhethse, akwemukelwe luhlavu loluhambisana nemphendvulo nobe nangabe abhale imphendvulo ngalokugcwele.

UMBUTO 1**1.1 TIMPHENDVULO TETHEKSTHI A**

- 1.1.1 Lihlanganisa tinhlanga lehlukahlukene/Emasiko lahlukahlukene/Tilwimi lehlukahlukene. (Kunye kwaloku.) (1)
- 1.1.2 Ulucedze ngekushicilela tilwimi letilishumi nakunye kutsi tibe semtsetfweni./ **Ngekwengetsetfosisekelo tonkhe tilwimi tiyalingana** (1)
- 1.1.3 Mhla tingemashumi lamabili nakune. (**Lokubalulekile ngulolusuku hhayi inyanga.**) (1)
- 1.1.4 Kuhaya tinkondlo. (1)
- 1.1.5 C/ Ummbila logayingiwe. (1)
- 1.1.6 Sixhosa/Sisutfu/Singisi/Sibhunu (Kunye kwaloku.) (1)
- 1.1.7 Kusita lusha kutsi lutiphatse kahle/Kufundzisa lusha imisebenti yetandla/Kutigcabha ngemvelaphi yalo. (Naleminye imibono lenembako yemukelekile.) (Kubili kwaloku.) (2)
- 1.1.8 Batali bangakhulumisa bantfwababo ngelulwimi lwemdzabu/Kubafundzela imibhalo lebhale ngelulwimi lwemdzabu/Kubatsengela imibhalo yesintfu kutsi bayifundze. (Naleminye imibono lenembako yemukelekile.) (Kubili kwaloku.) (2)
- 1.1.9 Kuletsa bunye/Kukhombisa kubumbana/Kukhombisa lutsandvo lwalokwentiwako nobe **lwelive labo** /nekwesekelana. **Kuletsa inhlonipho nesitfunti.** (Naleminye imibono lenembako yemukelekile.) (Kubili kwaloku.) (2)
- 1.1.10 Kuba ngumsakati/ Kuhumusha/Kubhala emabhuku/Kuba ngumdlali wasesiteji. (Naleminye imibono lenembako yemukelekile.) (Kubili kwaloku.) (2)
- 1.1.11 **Tiwutfufukisa ngekutsi letindzawo letivakashelwako tikhokhelwa imali/kuletindzawo** kunemikhicito letsengiswako/Tindzawo tekulala tiyabhadalelwa/Kudala ematfuba emsebenti. (Naleminye imibono lenembako yemukelekile.) (Kunye kwaloku.) (2)
- 1.1.12 Imibono itawehluka, ifake ekhatsi loku lokulandzelako:
Labavumako batawesekela ngekutsi:
Bantfwana etikolweni sebafundza mahhala/Batfola kudla kwamahhala/Kutfolakala kwemali yesondlo/Bantfu sebanemalungelo.
Labangavumi batawesekela ngalokunembako.
(Naleminye imibono lenembako yemukelekile.) (Kubili kwaloku.) (2)
- 1.1.13 Igcugcutela kutsi bantfu baphile ngendlela lebebaphila ngayo kadzeni yekulandzela emasiko nemihambo/Kutsi bantfu bente tintfo lebetentiwa kudzala njengekuvunula, kugidza imigidvo yesintfu, kupheka kudla kwesintfu **nekulima tilimo tesintfu.** (Naleminye imibono lenembako yemukelekile.) (Kunye kwaloku.) (2)

1.2 TIMPHENDVULO TETHEKSTHI B

- 1.2.1 Ludziwo/Lihlelo. (Kunye kwaloku.) (1)
- 1.2.2 Bane. (1)
- 1.2.3 Ngekwelisiko kukhombisa inhlonipho/ **Ugucele kutsi akhone kusebenta kahle.** (1)
- 1.2.4 Imphuphu/Imbasha/Emancobo. (Naletinye tinhlobo letikhicitwa ngulokudla temukelekile.) (Kunye kwaloku.) (1)
- 1.2.5 Imibono itawehluka ifake ekhatsi loku lokulandzelako:
Labavumako batawesekela ngekutsi:
Bebatilimela lokudliwako/Bebatakhela kwekulondvolota nekufaka kudla ngaphandle kwekutsenga leto tintfo tekwakha.
Labangavumi batawesekela ngemibono yabo lenembako.
(Naleminye imibono lenembako yemukelekile.) (2)
- 1.2.6 Itheksthi B inebudlelwano netheksthi A ngekutsi:
Omabili lamatheksthi akhuluma ngekudla kwesintfu/Omabili atsintsa bobabe/Omabili akhuluma ngamake lolungisa kudla kwesintfu. (Naleminye imibono lenembako yemukelekile.) (4)

SAMBA SESIGABA A: 30

SIGABA B: SIFINYETO – 10 EMAMAKI**UMBUTO 2**

Kumakwa kwesifinyeto kulawulwa ngemaphuzu lacondzene ngco netheksthi.

Sifinyeto kufanele simakwe ngalendlela lelandzelako:

- **Kwabiwa kwemamaki:**
 - Emamaki lasikhombisa (7) abelwe emaphuzu lasikhombisa (7), (1 limaki labelwa liphuzu ngalinye).
 - Emamaki lamatsatfu (3) abelwe lulwimi.
 - Samba semamaki: 10.

- **Kwabiwa kwemamaki labelwe lulwimi nangabe umhlolwa asebentise emagama akhe:**
 - 1–3 emaphuzu langiwo nika 1 limaki.
 - 4–5 emaphuzu langiwo nika 2 emamaki.
 - 6–7 emaphuzu langiwo nika 3 emamaki.

- **Kwabiwa kwemamaki elulwimi nangabe umhlolwa acaphune njengobe kunjalo etheksthini:**
 - 6–7 ticashunwa umhlolwa akanganikwa emamaki elulwimi.
 - 4–5 ticashunwa umhlolwa akanikwe 1 limaki lelulwimi.
 - 2–3 ticashunwa nika 2 emamaki elulwimi.
 - 0–1 Sicashunwa nika 3 emamaki elulwimi.

CAPHELA:

- **Sibalo semagama:**
 - Labamakako kumele bacinisekise linani lemagama lelisetjentiswe esifinyetweni.
 - Kungabokhishwa emamaki nangabe umhlolwa angakalikhombisi linani lemagama lasetjentisiwe nobe abhale linani lelingasilo lemagama lasetjentisiwe.
 - Nangabe linani lemagama lingetulu kwalelo lelimisiwe, fundza ufike ekugcineni kwemusho wekugcina ngetulu kwelinani lemisiwe, uyekele incenye lesele yesifinyeto.

UMONGO WESIFINYETO

Umhlolwa akavete tintfo letilusito letentiwa bodokotela bengcondvo ebantfwini.

EMAPHUZU LABALULEKILE LEKUMELE AVELE ESIFINYETWENI:

Bodokotela bengcondvo bavuselela similo semuntfu lobukene netinkinga. Babambisana nebatali, bothishela nalabanye bantfu ekulungiseni simo semntfwana. Labodokotela bahlola indlela ingcondvo yemuntfu legcina ibuye ikhumbule ngayo lwati netintfo. Babuka indlela yekukhula kwemuntfu ngekwetigaba kusukela kulabancane kuye kulabadzala.

Labodokotela bahlola kutsi bashayeli betindiza basesimeni setemphilo lesihle yini nekutsi batiphatsa njani. Batfola lwati ngetebugebengu bekweba ngetheknoloji, nebekubalekela kondla bantfwana. Bahlola tikhangisi babuye basite bosomabhizinisi ekutibhaleni nangabe tingadvonsi emehlo ebatsengi.

[65 emagama]

	Sicashunwa		Emagama emhlolwa
1	'...kuvuselela similo saloyo muntfu lobukene nalobumatima.'	1	Bodokotela bengcondvo bavuselela similo semuntfu lobukene netinkinga.
2	'...badlala indzima yekuchumana nebatali, bothishela, nalabanye balungise simo kutsi sibe yimphumelelo.'	2	Babambisana nebatali, bothishela nalabanye bantfu ekulungiseni simo semntfwana.
3	'...kubuka indlela ingcondvo lelondvolota ngayo lwati nasekukhumbuleni tintfo.'	3	Labodokotela bahlola indlela ingcondvo yemuntfu legcina ibuye ikhumbule ngayo lwati netintfo.
4	'...babuka ingcondvo yemntfwana lomncane, longena esigabeni sekukhula kanye nebantfu labadzala kutsi kukhula kwabo kuyahambisana yini neminyaka yabo.'	4	Kubuka indlela yekukhula kwemuntfu ngekwetigaba kusukela kulabancane kuye kulabadzala.
5	'...bahlola temphilo, kutiphatsa kwebashayeli betindiza nalabanye basebenti basetindizeni.'	5	Labodokotela bahlola kutsi bashayeli betindiza basesimeni semphilo lesikahle yini nekutsi batiphatsa njani.
6	'... bayakhona kufola budlelwane balobo bugebengu ngekusebentisa lwati labanalo kanye nemtsetfo.'	6	Batfola lwati ngetebugebengu bekweba ngetheknoloji, nebekubalekela kondla bantfwana.
7	'...labatawusita emabhizinisi ato ngekuhlola kutsi batsengi bayatilandzelela yini tikhangisi letibhaliwe babuye basite nasekubhalweni kwato.'	7	Bahlola tikhangisi babuye basite bosomabhizinisi ekutibhaleni nangabe tingadvonsi emehlo ebatsengi.

SAMBA SESIGABA B: 10

SIGABA C: TAKHI NETIMISO TEKUSETJENTISWA KWELULWIMI - 30 EMAMAKI**Ticondziso tekumaka SIGABA C.**

- *Sipelingi/Lupelomagama:*
 - Timphendvulo letifuna ligama linye kufanele temukelwe nanobe sipelingi/lupelomagama lunemaphutsa, ngaphandle kwekutsi liphutsa lesipelingi lintjintja inshokutsi yalelo gama.
 - Timphendvulo letifuna imisho legcwele kufanele tingemukelwa nangabe liphutsa lesipelingi lisesakhiweni selulwimi lesihlolwako.
 - Nangabe kuhlolwa sifinyeto seligama, imphendvulo kufanele ifakwe tiphumuti/timphawu letifanele.
- Takhiwo temisho kufanele tilandzele luhlelo lolwemukelekile tibuye tibhalwe ngalokugcwele njengoba kubekwe eticondzisweni.
- Imibuto lapho kunikwe timphendvulo letinyenti kutsi bahlolwa bakhetsa, akwemukelwe KOKUBILI, luhlavu loluhambisana nemphendvulo NA/NOBE nemphendvulo lebhalwe ngalokugcwele.

UMBUTO 3: SIKHANGISI

- 3.1 Letinhlavu talesicubulo tibhalwe taba tinkhulu/Tigcanyisiwe. (Kunye kwaloku.) (1)
- 3.2 Litsatsa luhlangotsi ngekutsi labanemali lencane angeke bakhone kufakelwa labomehlwana/Labomehlwana bayabita bangatsengwa bantfu labasebentako kuphela. (Naleminye imibono lenembako yemukelekile.) (Kunye kwaloku.) (1)
- 3.3 Titsengele wakho Mehlwana, utfole lomunye ngelinani leliphasi. (1)
- 3.4 Halala kulowo lotawutitsengela bona! (1)
- 3.5 Inkhulumo leyimfundzisolite, ngobe nobe ungaba nabo labomehlwana angeke uvule umnyango imini nebusuku. (2)
- 3.6 Kutsatfwa sisho 'kulala benyoni' sisetjentiswe emshweni kuveta inchazelo lesho kulalela eluvalweni/Kulala wetfukile.
Sib.
Bafundzi balala benyoni ngelusuku lolwendvulela imiphumela yabo yakamatekuletjeni. (2)
- 3.7 Lenkhulumo itsintsa imiva yemadvodza ngekutsi iveta kwangatsi onkhe emadvodza atigebengu kantsi akhona lacotfo. (Naleminye imibono lenembako yemukelekile.) (2)

[10]

UMBUTO 4: IKHATHUNI

- 4.1 Kukhala sami sicutfulo lapha! (1)
- 4.2 Indlela lahleli ngayo/Kubonakala umjuluko ebusweni bakhe/Sikhatsi besesihambile. (Kunye kwaloku.) (1)
- 4.3 Ukhombisa kumangala/ **Kwetfuka/Kushaywa luvalo.** (Kunye kwaloku.) (1)
- 4.4 Sukuma utewetfula inkhulumo yakho. (1)
- 4.5 B/Inkhulumo letsintsa imiva. (1)
- 4.6 Besekuthule dvu. (1)
- 4.7 Kusetjentiswa ligama lelicindzetelwe 'sihlalo' kuveta umcondvojula lochaza kuba sesikhundleni.
Sib.
Sihlalo welikomiti lebatali ubambe umhlangano nebafundzi. (2)
- 4.8 Inkhulumo letsatsa luhlangotsi ngobe bakhona labanye labangenisa sinkhwa endlini babe bangakafundzi kepha benta imisebenti **leyehlukahlukene naletinye tindlela tekutfola imali.** (2)
[10]

UMBUTO 5: IPHROZI

- 5.1 C/Nkt. Khubonye. (1)
- 5.2 Ungatikhotsa engcozeni kutfolo umsebenti emntfwini longamati. (1)
- 5.3 Kuguculwa ligama lelidvvetjelwe 'lowatfolo' libe semphambosini yekwentiwa.
Maningi nematfuba latfolwa kuto nangabe ufuna umsebenti. (1)
- 5.4 Kucedzelwa umusho logcanyisiwe endzimeni yesitsatfu ngemusho lokhontile lomele sizatfu.
Sib.
Kulukhuni kwetsemba bantfu lomuhla ngobe sekugcwele bugebengu eveni. (1)
- 5.5 Kusetjentiswa sento 'khuluma' emshweni losendleleni lesalibito.
Sib.
Bafundzi bayavilapha kukhuluma nakwentiwa luhlolo lwetemplomo. (2)
- 5.6 Kwakhiwa umusho lonelibitomfutiselo weligama 'bantfu'.
Sib.
Umfati waseJozi uboshelwe kweba. (2)
- 5.7 Kusetjentiswa ligama lelihloniphisa 'bafana' lelibhalwe lagcanyiswa endzimeni yekugcina emshweni.
Sib.
Gogo ucocela bakhaphelwano inganekwane. (2)
[10]

SAMBA SESIGABA C: 30
SAMBA SAKO KONKHE: 70